

#### IV. OPNUARGJALD

1. Hafi gjald samkvæmt gjaldskrá þessari ekki verið greitt, þannig að beita þurfi reglugerðarákvæðum um lokun fyrir veitu, má taka gjöld fyrir lokunartilkynningu og enduropnun, allt að kr. 200 samtals.
2. Ef fundin eru óleyfileg eða of stór vör við skoðun, skal veitunni lokað tafarlaust, og verður hún ekki enduropnuð fyrr en notandinn hefur greitt umboðsmanni héraðsrafmagnsveitna ríkisins 100 kr. gjald. Gjaldið skal greitt á aðsetursstað umboðsmannsins.

Gjaldskrá þessi staðfestist hér með samkvæmt raforkulögum, nr. 12 2. apríl 1946, til þess að öðlast gildi 1. febrúar 1964 og birtist til eftirbreytni öllum þeim, sem hlut eiga að máli. Jafnframt fellur úr gildi gjaldskrá héraðsrafmagnsveitna ríkisins, nr. 28 28. marz 1962.

*Atvinnumálaráðuneytið, 31. janúar 1964.*

**Ingólfur Jónsson.**

*Þorv. K. Þorsteinsson.*

31. janúar.

Nr. 17.

#### REGLUGERÐ

##### um heimilishjálp í Austur-Húnavatnssýslu.

###### 1. gr.

Samband Austur-Húnavetnskra kvenna, S.A.H.K., fer með stjórn heimilishjálpar í sýslunni, undir yfirstjórn sýslunefndar.

Dagleg umsjón með framkvæmdum heimilishjálparinnar skal vera í höndum sérstaks fulltrúa sambandsins, og á hann rétt á að sitja fundi sýslunefndar, þegar rædd eru mál, er varða heimilishjálpinu. Hefur hann þar málfrelsi og tillögurétt.

###### 2. gr.

Hlutverk heimilishjálparinnar er að veita hjálpu á heimilum, með útvegum hjálparkonu, þegar sannað er með vottorði læknis, ljósmóður, eða á annan hátt, sem forstöðukona heimilishjálparinnar metur gilda, að hjálpar sé þörf um stundarsakir, sökum sjúkdóma, barnsburðar, slysa, dauðsfalla, eða af öðrum ástæðum.

Hjálpin skal að jafnaði ekki veitt til lengri tíma en 14 daga.

###### 3. gr.

Heimilishjálpin skal jafnan leitast við að hafa til taks a. m. k. eina konu til heimilishjálpar.

Forstöðukona skal ganga örugglega úr skugga um það, að fólk það, er heimilishjálpu stundar á vegum sýslunnar, sé hæft til starfsins og hafi heilbrigðisvottorð héraðslæknis.

Um launakjör og hlunnindi starfsfólks heimilishjálparinnar skal hafa samráð við oddvita sýslunefndarinnar.

###### 4. gr.

Sýslunefnd A.-Húnavatnssýslu ber ekki fjárhagslega ábyrgð á tjóni, er fólk það, sem vinnur á vegum heimilishjálparinnar, kann að valda við störf sín.

###### 5. gr.

Stjórn heimilishjálparinnar ákveður hvert form skuli vera á umsóknum um heimilishjálpu. Hver hreppsnefnd getur veitt eftirgjöf á greiðslum fyrir heimilishjálpu, að nokkru eða öllu leyti, að fengnum tillögum forstöðukonu.

## 6. gr.

Fyrir heimilishjálp skal greitt eftir hlutföllunum,  $\frac{2}{5}$ — $\frac{3}{4}$  hlutum af launum hjálparfólks og skal framkvæmdarnefnd fá samþykki viðkomandi hreppsnefndar um það, hvaða gjald skuli vera í hverjum hreppi.

Framkvæmdastjóri setur sér nánari reglur um aðrar greiðslur, innheimtur og annað í sambandi við ráðningu starfsfólks, er hún telur máli skipta í þessu efni. Skal um slíkt haft samráð við oddvita sýslunefndar og leitað eftir staðfestingu ráðherra á þeim reglum, ef nauðsynlegt þykir.

## 7. gr.

Reikningar heimilishjálparinnar skulu endurskoðaðir árlega á sama hátt og reikningar sýslusjóðsins.

## 8. gr.

Halli, sem verða kann af heimilishjálpi, sem veitt er samkvæmt lögum um heimilishjálpi í viðlögum og samþykkt þessari, greiðist að  $\frac{1}{3}$  úr ríkissjóði en að  $\frac{2}{3}$  úr sýslusjóði, sem síðar endurkrefur hvert hreppsfélag um þeirra hluta í samræmi við veitta vinnu.

## 9. gr.

Reglugerð þessi tekur gildi fyrir hvern hrepp innan sýslunnar, þegar hún hefur verið samþykkt af viðkomandi hreppsnefnd, enda falla þá úr gildi þær samþykktir, sem einstakir hreppar hafa þegar sett sér.

Reglugerð þessi, sem sýslunefnd Austur-Húnavatnssýslu hefur samið og samþykkt, staðfestist hér með, samkvæmt lögum nr. 10 25. janúar 1952, um heimilishjálpi í viðlögum, til þess að taka gildi þegar í stað og birtist til eftirbreytni öllum þeim, sem hlut eiga að máli.

*Félagsmálaráðuneytið, 31. janúar 1964.*

F. h. r.

Hjálmar Vilhjálmsson.

*Jón S. Ólafsson.*

## AUGLÝSING

um breyting á samþykkt Sjúkrasamlags Reykjavíkur, nr. 13, dags. 16. sept. 1958, sbr. auglýsingu, nr. 24 14. febrúar 1957.

## 1. gr.

Breyting á 11. gr. samþykktarinnar:

1. Fyrri málsgrein a-liðs 2. töluliðs 11. gr. orðist svo:

„Almenna læknishjálpi greiðir samlagið að fullu hjá samlagslækni sjúklingsins á umsömdum vinnutíma lækni, nema hvað samlagsmaður greiðir lækni um kr. 10.00 fyrir hvert viðtal á lækningastofu og kr. 25.00 fyrir hverja vitjun. Gjald fyrir vitjun skal þá vera kr. 50.00 á því svæði, sem bættist við samlagssvæðið hinn 1. september 1962. Læknishjálpi hjá öðrum læknum en heimilislækni, greiðist samkvæmt því, sem ákveðið er í samningi samlagsins við Læknafélag Reykjavíkur.